



ज्वजलपा वाःपौ

JWOJALAPA NEPALBHASHA WEEKLY

दैं: ६ ल्या: १८ पूर्णाङ्क: ७०

ने. सं. ११३६ कछलाथ्व एकादशी आइतवा:

२०७२ मंसिर ६ गते आइतवार (Nov- 22, 2015)

मू: ५/- (न्यातका)

प्रचण्ड वःगु लँपुइ पांगा दोवाटोय् जूगु प्रदर्शनय् किपूमित स्वतस्फूर्त रुपं सहभागी



ज्वजलपा वाःपौ/

ता ई न्हयःनिसें हे देशय् 'अघोषित नाकाबन्दी'या कारणं ब्वलनाच्वंगु अभावं थ्व इलय् सकल नेपाःमितय्गु जनजीवनय् लिच्वः लानाच्वंगु अवस्थाय् किपूया सचेत नागरिकतय्सं सरोकार ब्यना प्रदर्शन याःगु दु ।

न्हिया न्हयं जनजीवन प्रभाव जुया वनाच्वंगु अले खाद्यान्न तकं बजारय् मदया वनाच्वंगु जक मखु तसकं थिके जुइक भाः थकायेगु अले पेट्रोल तकं मदया समस्या जुयाच्वंगु अवस्थाय् किपूमितय्सं उगु कथं सरोकार ब्यंगु खः ।

ज्यापु महागुथि किपू नगर समितिया ग्वसालय् शनिवाः मंसिर ५ गते किपूया पांगा दोवाटोया सतकय् च्वना प्रदर्शन याःगु खः ।

'नाकाबन्दी अन्त्य या, हाकूबजाःयात नियन्त्रण या, आन्दोलनर त मधेसीलिसे वार्ताया माध्यमं समस्या समाधन या' धकाः नारा च्वया प्लेकार्ड च्वना दर्जनौ किपूमितय्सं अथे प्रदर्शन याःगु खः ।

किपू नगरया पांगाय् एकीकृत माओवादीपाखें नेपाल संवत् ११३६ न्हूदँया लसताय् याःगु ज्याभवलय् सहभागी जुइत सरकारया पक्षय् दुगु भिस्वंगु दलया प्रतिनिधित्व दुगु उच्चस्तरीय राजनीतिक संयन्त्रया कजि नापं एकीकृत माओवादीया अध्यक्ष प्रचण्ड वयादीगु अवस्थाय् हे किपूमितय्सं उगु कथं प्रदर्शन याःगु खः ।

पुलांमह प्रधानमन्त्री नापं एकीकृत माओवादीया अध्यक्ष प्रचण्ड वइगु लँपुइ हे च्वना किपूया डाक्टर, प्राध्यापक, शिक्षक, थीथी संघ संस्थाया प्रतिनिधि, राजनीतिक दलया कार्यकर्ता, बुद्धिजीवीनिसें पत्रकारत तकं मौन रुपं स्वतःस्फूर्त रुपं हे उगु प्रदर्शनय् सहभागी जुयादीगु खः ।

थीथी कथंया नारा च्वयातःगु भ्वं थःथःगु म्हय् ब्वया पांगा दोवाटोया स्वका लँया स्वखे हे च्वना प्रदर्शन याःगु खः । सुथय् ७:३० ता इलनिसें पुलांमह प्रधानमन्त्री नापं किपू क्षेत्रपाखें चुनावय् उम्मेदवार तकं जुयादीमह प्रचण्ड मवःतले हे सतकय् च्वना प्रदर्शन

याःगु खः । अले प्रचण्ड उगु लागा पुला वने धुनेवं हे प्रदर्शन ज्याभवः तकं व्वचायेकूगु खः ।

किपूमि जनतातय्सं देय्या समस्यायात कया चिउता कयाच्वंगु सन्देश विइगु नापं जनताया सरोकारया विषययात कया किपूमित गबलें नं सुक च्वनीमखु धकाः सन्देश विइगु निति हे उगु कथं ज्यापु महागुथि किपू नगर समितिं प्रदर्शन याःगु खः धकाः धाःगु दु ।

बंगु मंगलवाः जक ज्यापु महागुथि किपू नगर समितिपाखें 'अघोषित नाकाबन्दी, अभाव व भीगु भूमिका' विषयसं अन्तर्क्रिया ज्याभवः याःगु खः ।

आः याकनं हे सरोकारवालातलिसे सहलह ब्याका नेवाः नापं नेपाःमितय्गु हे सरोकारया विषययात कया मंकाः कथं न्ह्याः वनेगु निति तयारी यायेगु जुइ धकाः नं ज्यापु महागुथि किपू नगर समितिं धाःगु दु ।


किपाः विशेष ६ पेजय् स्वयादिसँ.....

सुनिश्चित उज्ज्वल भविष्यको लागि जल विद्युत आयोजनामा लगानी गर्न चाहनु हुनेले सम्पर्क राख्नुहोला । सम्पर्क नं. ४६७०५१८, ४६७०४४२



वित्तिय संभौता हुदै

सुनिश्चित उज्ज्वल भविष्यको लागि जल विद्युत आयोजनामा लगानी



आयोजनको कार्यालय



आयोजन स्थल



हेड वर्क्स कार्य प्रगति



पाइप लाइन कार्य प्रगति



पाइप लाइन कार्य प्रगति

मोलुङ्ग जलविद्युत आयोजना (७ मे.वा.)
ओखलढुङ्गा, सगरमाथा

निर्माणकर्ता
अनक हाइड्रोपावर कं.प्रा.लि.
रविभवन, काठमाडौं, फोन: ४६७०५१८, ४६७०४४२



झजलपा वा:पौ

सल्लाहकार
श्रीकृष्ण महर्जन
प्रकाशक:

नजरराम महर्जन
सम्पादक

श्रीकृष्ण तण्डुकार
ले-आउट:

ज्वजलपा डेस्कटप

संवाददाता

भरत महर्जन, निरजमान सिंह

थाकू

प्रिन्ट स्काई, यें

ज्याकू: निखासी त्वा: किपू नपा-३

फोन ल्या: ४३३३००७, ९८४९४०९०७७

ई-मेल : jwojalapaweekly@gmail.com

सम्पादकिय

सत्तापक्ष अभ् गम्भीर जुइमा

न्हूगु संविधान निर्माण लिपा ब्वलंगु अन्यौलता व आन्दोलनया सवालयात कया गुगु कथं ओली सरकार गम्भीर जुया न्ह्या: वनेमा:गु ख: उगु कथं न्ह्या: वंगु मदुला धका: न्ह्यस: ब्वलना व:गु दु ।

ओली सरकार मधेसय् आन्दोलन याना वयाच्वंगु राजनीतिक शक्तिलिसे वार्ता याना वयाच्वंगु अले निर्णायक धाधां वयाच्वंगु जूसां अन्तत ता ई न्ह्य:निसें न त आन्दोलनरत शक्तिलिसे वार्ता निष्कर्षय् थ्यंके फत न त जनताया जनजीवन कठिन जुया वनाच्वंगुयात ध्यानय् तथा सहज याये हे फत । उलि जक मखु प्रमुख प्रतिपक्ष दल नेपाली कांग्रेसयात तकं साथ काये मफयावंगु महसूस यानाह:गु दु । थ्व हे अवस्था जुल धा:सा नेपाली कांग्रेस तकं सदनय् व सतकय् क्वहां वइगु संभावना अप्वया व:गु दु ।

आन्दोलनरत पक्षलिसे वार्ता निष्कर्षय् थ्यंके मफुगु, जनजीवनयात सहज यायेगु निति मा:गु कथंया भूमिका भित्ते मफुगु अले प्रमुख प्रतिपक्ष नेपाली कांग्रेसयात तकं मा:गु कथं साथ काये मफइगु अवस्था ब्वलना वनाच्वंगु दु । थ्व फुक्क कथंया घटनाक्रमयात स्वल धा:सा गुगु कथं सरकारं वर्तमान अवस्थायात गम्भीर रुपं कायेमा:गु ख: उगु कथं का:गु खने मदु धका: स्पष्ट रुपं धायेफइगु अवस्था दु । थुगु विषययात कया सरकार गम्भीर जुया न्ह्या: मवन धा:सा थुगु कथंया समस्या भन भन गम्भीर जुया वनेफुगु संभावना दु धका: थुइकेमा: ।

चित नेवा:या मुक्तक

१. नेपालभासाय् धेवा मदु

धेवाय् नेपालभाषामदु ।

उकिं नेपालभाषाया निति

मन दुपिनि धन मदु,

धन दुपिनि मन मदु ।

२. जिं मखु छँ हे ययकुगु ख:

चिमिधका सिया छँ त्वतल,

जित त्वता दुम्ह ययकल नुग: मदुम्ह

वयागु हे धनं छंत सादाँ खयकल ॥

३. पंचायत ईलय् नापं ल्वानापिं

बहुदल वया लँ ब्वात,

पदय् थ्यनधका न्हापाया माग लुमंकां

व ला बर्मु खँजकं ल्हात ॥

नेवा:त फुगु हे खतला ?



—सानुराजा शाक्य—

कांग्रेसं धोका बिइवं एमाओवादी पार्टीया कट्टर विरोधी एमाओवादीया हे वैशाखी चुया एमालेया नाय: खड्ग ओलिं थ:गु नेतृत्वय् सरकार दयेके माल । दकलय् अप्व: एमाओवादीयात हिस्स्याना: न्वावायेगुलिइ प्रखरम्ह केपि ओलीया थ्व सरकारं नं परिवर्तनया आभास बिइत सफल मजुइगु पक्का जूगु दु । न्हूगु संविधान वये धुंका: दकलय् धाये मा:पिं नेवा:त जुइगु क्रमय् केपि ओलिया सरकारय् छम्ह नं नेवा: दुमथ्याइगु संकेत खनेदुगु दु । नेपा:या इतिहासय् नेवा:त थुकथभनं लिउने ध्याकुने ला: वंगु थ्व न्हापां पटक जुइ । राष्ट्रपति व प्रधानमन्त्री एमालेया ब्राम्हण समुदाय व सरकारय् नं अधिकांश थ्व समुदाययात प्राथमिकता विया एमाले व एमाओवादीं सरकार गठन या:गु दु । राप्रपा नेपाल, गच्छेदार या लोकतान्त्रिक फोरमं नेवा:तय् थाय् बिइगु छँ हे मन्त । हिन्दू धर्मया नामय् नेवा:तय् यक्व भोट का:म्ह कमल थापां व हे नेवा:तय् ल्वाप्पा नका: थ:पिं सिद्धान्त स्वयां सत्ताया भोगी ख: धइगु अवसरवादी चरित्र प्रमाणित यासें सर कारय् वन ।

राष्ट्रपति, उपराष्ट्रपति, सभामुख, उपसभामुख, प्रधानमन्त्री, उपप्रधानमन्त्री लगायत सरकार गठनया फुक्क प्रक्रिया थ्यंबलय् नेवा:त गनं नं मथ्यंगु स्वयेबलय् एमाले व एमाओवादीइ नेवा:त फुगु हे ख:तला धइगु न्ह्यस: दनी नेवा:तय् ज्वाइँपिं प्रधानमन्त्री केपी ओलि, उपप्रधानमन्त्री विजय गच्छेदार व मेम्ह उपप्रधानमन्त्री कमल थापा थ्यंगुलिइ हे सन्तोष जुया नेवा:त राजनीतिया वर्तमान अवस्थां पलायन जुइगु अवस्था व:गु जकं ख:ला ? ज्या याये म्वा:गु तर मन्त्री धाये दइगु पद हे विना विभागीय मन्त्री पद खइ । क्षमता नं क्यने म्वा:गु रि स्क नं मदुगु पद छु धा:सा व नं विना

विभागीय हे मन्त्री पद हे जुइ । नेपा:या सन्दर्भय् नेपा:या कार्यकारी पद धइगु प्रधानमन्त्री पद हे ख: । संविधानसभां दयेकूगु विवादीत संविधानय् नं प्रधानमन्त्रीयात हे कार्यकारी दयेकात:गु दु । कार्यकारी पद प्रत्यक्ष निर्वाचनं ल्यये दयेमा: धइगु अत्यधिक नेपामि जनताया मागयात संविधान दयेका धा:पिं वर्चस्ववादी नेतातसें अस्वीकार याना: व हे पुलांगु तरिकां पार्टीया हवीपया लिधंसाय प्रधानमन्त्री, राष्ट्रपति लगायत पदत नं ल्यये सिधयेधुंकल । प्रधानमन्त्री पदय् वर्चस्ववादी खस आर्य समुदाय नं बाहेक मेगु समुदायपाखे ल्यये फइगु संभावना जारी जूगु संविधानं नं अप्रत्यक्ष रुपं निषेध हे यानात:गु प्रमाणित जूगुलिं नं जारी जूगु संविधान असमावेशी धरातलय् हे गठन जूगु ख: धइगु क्यन । प्रधानमन्त्री धुंका: भतिचा पावर दुगु पद धइगु राष्ट्रपति ख: ।

थुगुसि थ्व पद नं वर्चस्ववादीतसें थ:गु हे खल्टी स्वथंगु दु । उपराष्ट्रपति पदय् समावेशी याना धा:सां थ्व पद छुं ज्याखेले व:गु पद मखु । विरामी नन्दकिशोर पुन:या जीवन निर्वाह यायेत बिउगु बोनसया रुपय् जक थ्व पदया उपयोग जुइगुलिइ शंका मदु । मेगु सभामुख पदय् समावेशी या:गु कथं खनेदुसां सभामुख पद धइगु नितान्त प्राविधिक पद जक ख: । पावर एक्ससाइज याये फइगु पद मखु । उकिसनं संविधान बने जुइधुंक्कूलिं सभामुख नितान्त संसद न्ह्याकेगु प्राविधिक पद जक जुल ।

मेगु प्राविधिक यक्व भतिचा पावर नं एक्ससाइज याये फइगु प्रधानन्यायाधिशया पद नियमित प्रक्रियां पूर्ति जुइगु जूगुलिं थ्व राजनीतिक बहसया विषय मजुल । प्रधानमन्त्री ओलि व राष्ट्रपति भण्डारीया विचारधारानिसें छगू हे मुहानया उत्पादन जूगुलिं दकलय् अनुकूल वातावरण प्रधानमन्त्री व राष्ट्रपतिया नितिं चूला:गु दु । मदन भण्डारीया दकलय् विश्वस्त व्यक्तित नं जूगु कारणं मदन भण्डारीया हत्याया बारे सत्य तथ्य क्यनेगु आँट दुसा थ्व हे मौका ख: प्रधानमन्त्री व राष्ट्रपतियात तर एमालें हत्या हे ख: धका: करार यानात:गु मदन भण्डारी हत्या काण्डया पटाक्षेप ओलि भण्डारी

नेतृत्वं याना क्यनेगु साहस याइगु विश्वास मदु व याइ नं मखु । मदन भण्डारीया मृत्युयात हत्याकाण्डया रुप बिया: पोलिटिकल स्टन्ट दयेका फाइदा कयाचने दइगु अवसरयात एमाले व ओलि भण्डारीया सरकारं नष्ट याये चाहे मजुइगुलिं थ्व नेतृत्वं मदन भण्डारी हत्याकाण्डया छानवीन यायेगु छँ ल्हाइ मखु ।

थौकन्हे प्रधानमन्त्री ओलि न्हापा गुलि लोकप्रिय जुयाच्वंगु ख: वया: लोकप्रियताया ग्राफ धमाधम क्वहाँ वयेगु शुरु जूगु दु । मधेसय् ओलि अलोकप्रिय धइगु छँ एमालेया हे मधेसी कार्यकर्तातसें ओलिं मधेसीयतय् अपमान याना: न्वा:गु छँ उमिगु मन ख:गु दु । मधेस आन्दोलनया कारणं उत्पन्न जूगु नाकाबन्दीयात कया: अप्रत्यक्ष रुपं भार तथा विरोध या:गु खनेदुसां ओलि स्वयम्ह उज्व:म्ह राष्ट्रवादी नेता ख: धइगु प्रमाणित जूगु मदु । थौकन्हे जनतां फयेमाला च्वंगु समस्या समाधान यायेगु मामिलाय् प्रधानमन्त्रीया ज्या स्वयां छँ जक अप्वल धका: जनतां हे विरोध याना हयेधुंकल ।

उखान टुक्कां प्वा: जाइमखु भाषणं चिकं वइमखु धका: जनतां हे प्रधानमन्त्री लगायत मन्त्रीतय् ब्व:बिया प्रहार यायेगु शुरु जूगु दु । छेबे मधेस आन्दोलनया समस्या समाधान यायेगु मामिलाय् सरकारया उदासिनता मेखे समस्या समाधान मजुया जनतायात जुयाच्वंगु थी थी समस्या समाधान यायेगु मामिलाय् सरकारय् कृपाशीलताया अभावया दथुइ थ:गु सत्ता टिके यायेगु नामय् या:गु खुम्ह खुम्ह उपप्रधानमन्त्री दयेकूगु उकिं नं उपप्रधानमन्त्री फुक्क संघीयता विरोधी छगू हे समुदाययानेतातय् जक दयेकूगुलिं हे ओलिया बोलिया आधार हावादारी जक ख: धइगु क्यन । थुगु पटकय् राष्ट्रपति, प्रधानमन्त्री लगायत फुक्क हे उच्च पदस्थ नेतात शैक्षिक योग्यताया मामिलाय् कमजोर व्यक्तित जक ल्य:गु घटनां निराश न्हूगु पुस्तायात आशा क्यनेगु लँपु नं बन्द जुल ।

दकलय् अप्व: चिन्ताया छँ नेवा:तसें कायेमा:गु अवस्था पिदंगु दु । र ज्यशक्तिइ नेवा:त गुकथं तापाका यंकाचवन धइगु घटनां नेवा:तय् अस्तित्वया चिन्ता मखु नेवा:त असफल समुदायया रुपय् हिल धा:सा नेवा:त गुकथं म्वायेगु धइगु चिन्ता कायेमा:गु अवस्था पिदंग द ।

Admission
Open at




BBS 1ST YEAR
(Four Year Course)

JANADHAR COMMUNITY CAMPUS

Panga 12, Kirtipur, Kathmandu, Nepal

Tel. No. 4330880, 4331982, Email: janadharcampus@gmail.com

ज्यापु महागुथि किपू नगर समितिया ग्वसालय् जूगु



ज्वजलपा, वा: पौ/

ने. सं. ११३६ कछलाख पष्ठी मंगलवा मंगल उच्च मा.वि.या

हलय् ज्यापु महागुथि किपू नगरसमिति “नाकाबन्दी-अभाव व भीगु भूमिका” बारे छगू अन्तरक्रिया ज्याभव: यात ।

ज्यापु महागुथि किपूया नाथो नजरराम महर्जनया सभानायोसुइ जूगु उगु ज्याभव: छयाञ्जे सरल गोपाल महर्जन न्ह्याका दीगु ख: ।

सभानायो नजरराम महर्जन ज्यापु महागुथि छुं न रा.ज.नी.ति.क पार्टीया भात संगठन मखु । उकिं थौया इलय् ने.पा.मितसे फयेमालाच्वंगु

समस्याया बारे थ:थ:गु बिचा तयेत थन वनागु ख: । थुकी सुं न राजनीतिक पार्टीया नेतात स:ता तयागु मदु । सुयातं मू पाहाँ, पाहाँ धका: दयेकागु मदु । भीपिं सकल पाहाँ हे ख: उकिं औपचारिक सम्बोधन मया:से थ:थ:गु खँ तय्त इनाप याना: ज्याभ: न्ह्याकेत उजं बियादीगु ख: ।



त:धंगु समस्या वयाच्वंगुलिं सकल ने.पा.मित छपू जुया नाकाबन्दीया विरोध यायेमा: धयादिल ।

पत्रकार श्रीकृष्ण महर्जन- ज्याभ्वलय् च्वांसे नेवा: पत्रकार राष्ट्रिय दबूया नाय: श्रीकृष्णमहर्जन देश्यानाकाबन्दी सुना यात धइगु सवाल वयागलं ब्यागलं मत दयाच्वंगु अवस्था ख: धयादिल । गुलिसिनं भारतं नाकाबन्दीयात धयाच्वंगु दुसा गुलिसिनं मधेसीवादी आन्दोलनरत दलतपाखें यानाच्वन धका: धयाच्वंगु अवस्था दु । नाकाबन्दीया सवालयात कया स्वयेगु मिखा ब्यागलं ब्यागलं जुयाच्वंगु जूसां न नाकाबन्दीयात अन्त्य यायेमा:गु खँय सकलसिगु छगु हे मत दु धयादिल । अथे हे देशय् अभाव जुयाच्वंगु सवालय् न छगू हे मत दुगु नापं आन्दोलनरत मधेसवादी दलतलसे वार्ता याना समस्या समाधान यायेमा: धयादिल । अले मधेसवादी दलतलसे वार्ता याना समस्या समाधान याना न नाकाबन्दी भारतं यानाच्वन धा:सा फुक्क ने.पा.मित ने.पा.या सेना जुया त्वायेत तयार जुइ धयादिल ।

समाजसेवी दुर्कमान महर्जन- थ:गु बिचा: तयेगु भवलय् धयादिल, “थज:गु नाकाबन्दी स्वंगु पुस्तां फयेमाल । आ: प्यंगू पुस्तां थज:गु सास्ती नयेम्वाकेगु

अन्तरक्रियाय् सुनां छु छु धाल ?



ज्या यायेमाल । परनिर्भर मजूसे स्वावलम्बी जूया आत्मनिर्भर जुइगुस्वयेमाल । थ:गु बुँ, वाली अन्न, तरकारी

उत्पादन यायेमाल । बुँयात सहकारी कथं चलय् याना: बांलाक उत्पादन यायेमाल । सौर्य बिजुली उत्पादन याना ज्या कायेफु । ग्यासय् निर्भर मजुइगु स्वयेमाल । भारतया विरोध यायेगु चीनय् निर्भर जुइगु न बांलागु खँ मखु । आत्मनिर्भर जुइगु स्वयेमाल ।”

मानव अधिकारवादी शोभा महर्जन

शाक्यं - थ नाकाबन्दी मस्तयगु वनेगु अधिकार हनन जुयाच्वन । चिकं मदु धका: स्कुल चलय्

मयात धा:सा मां अबु अर्थात अभिभावक न्यासि वना:सां मस्तयत स्कुलय् तये यनेमाल । थ नाकाबन्दी छाय जुयाच्वन, छु या:सा नाकाबन्दी चाली धइगु खँय सत्तापक्ष बिचा: यायेमाल ।

बजाचार्य समाजया केशरत्न

बजाचार्य- देसय् थौया परिस्थिति जटिल जुयाच्वंगु दु । थ राजनीतिक पार्टी पिनिगु ज्या ख: । इपिं सत्ता लोलुपय् दुबय् जुया जनता या समस्यायात

वास्ता मयागु अवस्थाय् ज्यापु महागुथि थ नाकाबन्दी कृत्रिम रुपं सृजना या:गु थें च्वं । विदेशी राष्ट्रयात विरोध यायेगु हे राष्ट्रवादी मखु । मधेसीतय्सं यानाच्वंगु आन्दोलन जायज ख: ला कि मखु धइगु बारे सरकार स्पष्ट यायेमाल । मधेस नेपालय् ख: कि मखु, मधेसीत नेपाली ख: कि मखु ? थुज:गु खँय वास्ता मया:से जाथुइत सिं बिइवं समस्या समाधान जुइमखु ।

पत्रकार नारायण महर्जन- थुकि या विकल्प स्वयेमाल । नाकाबन्दी सुनां यात थुकि या प्रभाव गथे जुइ ? सत्तापक्ष थुकि या बारे छु यात धइगु बारे दुवाले मा: । राणा शासन, पञ्चायत व्यवस्था, राजा विरुद्ध आन्दोलन

जूवलय् न भारतं नाकाबन्दी याना भीत दुख ब्यूगु हे ख: । थ सत्तापक्ष अधोपित नाकाबन्दी धा:सां थ नाकाबन्दी हे ख: । नेपालयात सिक्किमीकरण यायेगु तातुना भारतं नाकाबन्दी त:गु ख: । भारत परस्त नेतातसें याना भारतं थथे म्हितेगु ह्वता: चूलात । भी ने.पा.मि सकलें छप

छथी जुलधा:सा थ नाकाबन्दीया विरुद्ध ल्वायफइ । भीपिं आत्मनिर्भर जुइगु स्वयेमाल ।

जेष्ठ नागरिक क्लबया छयाञ्जे अर्जुन महर्जन - भीगु देसय् न्ह्यागु राजनीतिक ह्यूपा हयेत भारतयाके ग्वाहालि कया: याना वयाच्वंगु इतिहास दु । न्हापांसें कर्तकिया भरय् च्वना वयाच्वनागुलिं थौ नाकाबन्दी भीत थुलिमछि दु:ख बियाच्वंगु ख: । उकिं कन्हय् छु यायेगु धइगु योजना दयेके माल । देशया अस्तित्व वचय् यायेमाल ।

मानन्धर समाजपाखें सिद्धि कुमार

मानन्धर- भारतया चाहना कथं संविधान मव:गुलिं हे भारतं ने.पा.यात नाकाबन्दी यानात:गु ख: धयादिल । नाकाबन्दी विरुद्ध सकल ने.पा.मिपिं छपू जुया वनेमा: धका: ब बियादिल ।

नेवा: स्वायत्त राज्य मंका: संघर्ष समितिया नाथ: पञ्चलाल महर्जन- ने.पा.या

राजनीतिक दलतयगु अपरिपक्वताया कारणं मुलुकय् नाकाबन्दी जुयाच्वंगु ख: धयादिल । आ.था अवस्थाय् ने.पा.या राजनीतिक पार्टीतयसं समस्या समाधान याये फइगु अवस्था मदुगुलिं न्हूगु राजनीतिक शक्तिया आवश्यकता दु धका: धयादिल ।

पांगाया मिसा नेतृ मेनुका महर्जन- नाकाबन्दीयात सकारात्मक रुपं कायेमा: धयादिल । उकि या नितिं सकलसिनं थ:थ:गु भूमिका म्हितेमा: धका: धयादिल । गथे कि बुँइ सा: मा:गु अवस्थाय् थ:पिन्सं हे सा: दयेके फयेमा: अले फूगु कथंया ज्या यायेमा: धयादिल ।

प्राचार्य मिलनमान महर्जन- नाकाबन्दीयात सरकारं अफ नं प्रष्ट या:गु मदुनि । नाकाबन्दी आधिकारीक रुपं धा:गु तकं मदुनि । सिमाअवरुद्ध भीगु हे कारण थें ख: । ६ प्रदेश दयेकल थाय् थासय् आन्दोलन जुल हुम्ला जुम्ला कर्णालीइ छुं छुं आन्दोलन जुइवं हे छगू प्रदेश थप याना बिल । तर आन्दोलन जुयाच्वंगु तर

आई थारुहतय् ने.पा.:या इतिहासय् हे त:धंगु आन्दोलन याना च्वंगु अवस्थाय् माग पुरा या:गु मदुनि । न्हापा ठिक धायेगु अले थ:पिं सरकारय् व:गु अवस्थाय् या:गुयात विरोध यायेगु पाय्छि मजू । अमेरिकां जापानय् हिरोसिमाय् तहसनहस यानाबिल । अफ नं जापानं अमेरिकायात व:बियाच्वंगु मदुनि । इमिसं वहे कमजोरीयात पाठ कया त:धंगु भूमिका म्हिताच्वन । उकिं भारतया जक विरोध यायेगु पाय्छि मखु । भारतया विस्तारवादसिबें न नेतात भार तथा पलायनवादया विरोध यायेमा: ।

बुद्धिजीवी प्रा. डा. चन्द्रमान बजाचार्य- ने.पा. अर्ध उपनिवेशी देय्

ख: धयादिल । वय्कलं जारी जूगु संविधानप्रति असहमति जुया हे भारतं नाकाबन्दी या:गु ख: धयादिल । अथे हे वय्कलं जारी जूगु संविधानयात स्वल धा:सा च्याकेमा:गु अवस्था दु धयादिल । अयनं भारतया नाकाबन्दीयात धा:सा सकलसिनं विरोध यायेमा:गु अवस्था दु धयादिल ।

बुद्धिजीवी प्रा. डा. हरि महर्जन- ने.पा.या इतिहाससिनसेंया खँ न्हयथसें जनतायात दु:ख बियाच्वंगु ख: धयादिल । पृथ्वी नारायण शाह नं छगू कथं नाकाबन्दीयाना किपू नापं खनिग: त्याकूगु ख: धयादिल । नेपालय् त:क्व: मछि हे नाकाबन्दी या:गु दु धयादिल । नाकाबन्दीया विरोधय् त:जिक प्रदर्शन यायेमा: धका: नं धयादिल ।

बुद्धिजीवी प्रयागमान प्रधान- नाकाबन्दीयात अवसरया रुपय् नाला देश विकासया नितिं न्हय: वनेमा: धयादिल । भारतयात व:जक बिया मजिउ इमिगु हे ग्वाहालि कायेगु कथंया ज्या यायेमा: । तत्कालिन व दीर्घकालीन नीति कथं न्हया: वनेमा:गु अवस्था दु । ने.पा.या खुसित भारतयात न्हापा ल:ल्हाना व:गु ख:सा आ: अज्व:गु ज्या मजुइमा धयादिल ।

बुद्धिजीवी डा. शिवशरण महर्जन- न्हूगु संविधान हया नं दक्क वर्ग व जनतात लय्ताये मफुत । भारतया विरोध जक याना मजिउ धयादिले तराई मधेसया



समस्या वार्तापाखें राजनीतिक रुप समाधान यायेमा: धयादिल । आ:या अवस्थाय् आत्मनिर्भरताया

लँपुइ वनेमा: धयादिले भीसं थ:थ:गु थासं व्यवहारं याना वनेमा:गु अवस्था दु ।

बुद्धिजीवी प्रा. डा. रामकृष्ण महर्जन- ने.पा.या उच्च तहया कर्मचारिनिसें राजनीतिक पार्टीया नेतातय् मस्तयूत भारतय् छत्रवृत्ति कथं व्वाकात:गुलिं भार तथा विरोध याये मफयाच्वंगु ख: धयादिल । नाकाबन्दीयात अवसरया रुपय् कया बैकल्पीक

उर्जाया व्यवस्था याना वनेमा: धयादिल । अथे हे किपूया सहकारीत मिलेजुया शोलार प्लान्ट जडान याना नमूनया ज्या कथं यायेमा: धयादिल ।

बुद्धिजीवी टिकाराम महर्जन-

नाकाबन्दी भारतं हे या:गु ख: धयादिले थुकि यात कया सकलसिनं विरोध यायेमा: धयादिल । नाकाबन्दीयात कया अन्तरिष्टियकरण यायेमा: धयादिल । भारतलिसे कूटनीतिक स्वापू कथं याना वनेमा: । अथे हे हाक्कुबजा:या कारणं देशय् समस्या भन भन अप्वया व:गुलिं सकलें ने.पा.मितसे स: तयेमा:गु ई बल धयादिल ।

पुलांम्ह राज्यमन्त्री दिलिप महर्जन- नेतातय्सं संविधान जारी या:गुलिं हे भारतं नाकाबन्दी या:गु ख: धयादिल । न्हूगु संविधानय् यक्व अधिकार व:गु दु धयादिले उगु अधिकारयात छुयला वने पय् येमा: धयादिल । नाकाबन्दीया विरोध याना वनेमा:गु नापं फुक्क ने.पा.मि छपू जुया राष्ट्रियताया नितिं न्हया: वने फयेमा: धयादिल । भारतं थ इलय् ने.पा.यात छगू कथं कठपुतली यायेगु कूत: यानाच्वंगु दु धयादिले ने.पा.या नितिं सकल ने.पा.मित ल्वाना वनेत तकं तयार जुइमा: धयादिल ।

ज्यापु महागुथिया नाथ: राजभाई

जक:मि- नाकाबन्दीया कारणं जनजीवन त सक कष्टकर जुया वनाच्वंगु दु धयादिले आ.या अवस्थाय् भारत लिसे कूटनीतिक रुपं समस्या समाधान यायेमा: धयादिल । नाकाबन्दी व हाक्कुबजा:या विरोध यायेमा: धयादिल ।

नेवा: संगीतकार गुज्जे मालाकारया खस मचा म्येचा: 'म्याउँकी म्याउँ'

ललेन्द्र शाक्य किपू

किपू नगरपालिका ३ वडा भन्थापुखुसि त्वालय् च्वंम्ह नांजा:म्ह संगीतकार गुज्जे मालाकारया याक: लसय् खस भाय्या मचा म्येचा: 'म्याउँकी म्याउँ' बजारय् व:गु दु। इन्द्रेणी सांस्कृतिक समाज, किपूया न्ह्यव्वया थुगु मचा म्येचा: संगीतकार गुज्जे मालाकारया याक: लसय् पिदंगु खंगूगु म्येचा: ख:। थ्वयां न्ह्य: संगीतकार मालाकारं थ:गु याक: लसय् जनकवि दुर्गालाल श्रेष्ठया याक: च्वसाय् 'भी नेवा:' नांया म्येचा: पिदने धुंकलसा मेगु 'गुज्जे मालाकारया याक: लसय्' म्यूजिक भिडियो चा: पिदने धुंकल। अथेहे 'भी नेवा:' म्यूजिक भिडियो चा: नं पिदने धुंकल।

आ: नकतिनि पिदंगु थुगु खस भाय्या अडियो मचा म्येचा: 'म्याउँकी म्याउँ' दुने च्यापू म्येत दुथ्याकात:गु दु। थुगु म्येचा: दुने जनकवि दुर्गालाल श्रेष्ठ, रायन श्रेष्ठ, रामकृष्ण धिना, राजेन्द्रकुमार पुता, धर्मोगत शर्मा तुफान, रत्ननिधि रेग्मी, रामेश्वर राउट मातृदास, रामेशचन्द्र घिमिरेपिनिगु च्वसां पिज्व:गु म्येत दुसा नांजा:पिं म्येहालामिपिं दिपा महर्जन, रत्नशोभा महर्जन, रानीशोभा महर्जन, मोहनशोभा महर्जनलिसें मचा म्येहालामिपिं सर्मिला लामा, संजिला लामा, सविना लामा, निर्जला शेर्पा, जिज्ञासा महर्जन, एकता महर्जन, रुमिसा गोपाली, रुजिता दुलाल, अमिसा लोप्चन, रफेला महर्जन, आयुषा महर्जन, स्वस्तिका व आर जु पौडेलपिनिगु स: दुथ्यानाच्वंगु दु।

नांजा:पिं संगीत संयोजकपिं जिवित जल्मी, जुगल डंगोल व सन्तोष महर्जनपिनिगु संगीत संयोजन व अनामनगरय् च्वंगु स्ट्रीट स्टुडियो, पुतलीसडकय् च्वंगु आर्टोम्यूज स्टुडियो व क्षेत्रपाटीइ च्वंगु मेलोडी स्टुडियोस रिकर्ड यानात:गु थुगु



म्येचा: 'म्याउँकी म्याउँ' दुने सन्तोष महर्जन गितार, कुतुम्ब व्याण्डया रुबिन श्रेष्ठ वांसुरी व कुतुम्बया हे राजु महर्जन मादल व मेमेगु ताल बाजं थाना: बाद्यवादनय् स्वाहालि यानात:गु दु। अथेहे, रिकर्डिष्टपिं हरिशरण सायमि, जुगल डंगोल व सुरेन्द्र श्रेष्ठ ख:।

राइजिड भन्सारी व सचिन महर्जनं ग्राफिक डिजाइन यानात:गु थुगु मचा म्येचा: 'म्याउँकी म्याउँ'या किपा: किपूया मिलन स्टुडियो कयात:गु दुसा म्येचा: दुने भूमिका राजेन्द्र महर्जन च्वयादीगु ख:। 'म्याउँकी म्याउँ' म्येचा: दुने मचातय्गु मनोविज्ञाननिसें कया: देसया थीथी पक्षयात क:घाना: देसप्रेमीया म्येत दुथ्याकात:गु दु। संगीतकार गुज्जे मालाकार थुगु फुक्क पक्षया म्येय् पाय्छिक्थं लसय् हनेत ता:ला:गु दु।

धर्मोगत शर्मा तुफानं च्वयादीगु म्येचा:या शीर्षक म्ये 'सानो सानो म्याउँकी म्याउँ करायो, म्याउँकी म्याउँ म्याउँले मुसो डरायो...' म्ये म्येचा: दुने म्ये हाला:त:पिं मध्ये दकले चिचाधिक:म्ह म्येहालामि रफेला महर्जनं हालात:गु दु। रफेला महर्जन कुतुम्ब व्याण्डया राजु महर्जन व म्येहालामि रानीशोभा महर्जनया म्थ्याय् ख:। थुगु म्येय् भौचित थ: पासा नाला: अले

छुँचित थ: शत्रु भा:पिया स्यंकीपिन्त दण्ड बीमा: धैगु भाव मचा सलं पिज्वयेकात:गु दु। थुगु म्येय् देसय् जुयाच्वंगु समस्या व घा:यात उलाच्वंगु दु। मचा म्येहालामि रफेला महर्जनया सलं थुगु म्ये न्यनीपिनिगु नुगलय् चसक्क मिंकावी।

रत्ननिधि रेग्मीया च्वसां पिज्व:गु म्ये व संजिला, सविना, शर्मिला, आयूसा व रुमिसां हालात:गु मचा पुच: म्ये 'यति सानी पुतली बत्तीमाथि उड्छे, उज्यालोको छायाँसंगै लुकामारी खेल्छे...' म्येय् मचातसें लाप्चा व थ: च्वनाच्वंगु व्वथाया लकसयात वर्णन याना: मचा मनोविज्ञान उजागर जुयाच्वंगु दु। मचा नुग: छगू न्हूगु लू बाय् न्हूगु वस्तु खनकि अजू चाइगु ला जुहे जुल। थ्वहे भाव ख: थुगु म्येया।

अथेहे, रामकृष्ण महर्जन धिनाया च्वसां पिज्व:गु व आर जु, एकता, रुजिता व स्वस्तिकाया सलं पिज्वयाच्वंगु पुच: म्ये 'हामी त बालक साना छौं, यसो त्यसो केही जान्दैनौ...' बोलया म्येय् मचा:तसें आश याइगु थ:सिबें त:धिक:पिं अग्रज, अभिभावक, गुरुवर्गपिंके इनाप यानाच्वंगु दु कि जिपिं चिचाधिक:पिं मचात ख:, जिमित न्ह्यागु नं बांला:गु ज्यात स्यनाव्यु, भिंगु लैपु

क्यनाव्यू धका:। थुलि जक मखु कि थुगु म्येय् मचातसें जिमित माया, मतिना, ममताया लकसय् म्वायेव्यू धका: नं आग्रह यानाच्वंगु दु। थुज्व:गु लकसय् म्वाये दत धा:सा देसया कर्णधार जुइफइ धैगु नुग:खं प्वकात:गु दु।

प्यपुगु म्ये जनताया कलाकार रायन श्रेष्ठ च्वयादीगु व मचा म्येहालामि आरजु पौडेलं हालात:गु 'मैले पढ्ने किताबमा धेरै राम्रा कुरा छन्, असल राम्रो ज्ञानी वन्न सिक्ने धेरै कुरा छन्...' म्येय् थ:म्ह व्वनेगु सफू दुनेया थोथी पक्षयात कया: वर्णन यानात:गु दुसा सफू व्वना: कन्हय् नैतिकवान, चरित्रवान व छम्ह योग्य मनु जुइ धैगु संकल्पया भाव पिज्वयाच्वंगु दु। मचा म्येहालामि आरजु पौडेलं स: व संगीतयात पाय्छि कथं स: वियात:गु दु।

मेगु न्यापुगु म्ये राजेन्द्रकुमार महर्जन पुतां च्वयादीगु व आर जु, एकता, स्वस्तिका, रुजिता, जिज्ञासा, निर्जला व सविनाया स: दुथ्या:गु पुच: म्ये 'कोपिला हौ हामी कोपिला हौ, आजका साना हामी कोपिला हौ...' दुने थोथी मचां कन्हय् त:धिक जुइथुंका: देसया नितिं छुं याये धैगु भाव पिज्वयेकात:गु दु। थुगु म्ये नं न्यनेवलय् न्ह्याइपुसे च्वं। अथेहे, रामेश्वर राउट मातृदास च्वयादीगु व

मोहनशोभा महर्जनं हालादीगु 'लालीगुराँस हूँ म नेपालको गौर व, पहाडभरि फुलिदिन्छु फिँजाएर सौरभ...' म्ये दुने देसया राष्ट्रिय स्वां लालीगुराँस थ: भा:पिया देसया प्राकृतिक सौन्दर्यनाप दुनुगलंनिसें कुलिचनागु भाव न्ह्यव्वयात:गु दु। थ:गु देस व देसया प्राकृतिक सौन्दर्यया वर्णन यानात:गु थुगु म्ये अतिरक कणप्रिय जू। गुज्जे मालाकारं संगीतपाखंय म्येया शब्दयात जिवन्तता वियादीगु दुसा म्येहालामि मोहनशोभा महर्जनया सलय् मिठास दु, तरंग दु। न्यनेवलय् नुग: खुलुलुं मिना वइ थुगु म्ये व म्येहालामिया सलं। न्हयपुगु म्ये रमेशचन्द्र घिमिरे च्वयादीगु व रानीशोभा महर्जन, दीपा महर्जन व रत्नशोभा महर्जनं हालात:गु 'पढ्दा पढ्दै लौ न हरे बत्ती भयाप्यै गयो, हामी सारा विद्यार्थीलाई साह्रै मर्का प्यो...' बोलया पुच: म्येय् देसय् जुयाच्वंगु लोडसेडिडयात मू विषय दयेका: सरकारयात व्यंग्य यानात:गु दु। लोडसेडिडं याना: मचातसें थ:गु गृहकार्यनिसें व्वनेमा:गु पाठ तक व्वने मखंगु भाव प्वकात:गु दु। अथेहे, थौं लोडसेडिडया मारं याना: बांलाक्क व्वनेमखंम्ह मचां कन्हय् थ: किजां अर्थात् कन्हय्या पुस्ता थुज्व:गु लोडसेडिडया मार फयेम्वालेमा: धका: आशा

यानाच्वंगु दु। थ्व धैगु हे सरकारं कन्हय् लोडसेडिड चीकेफयेमा: धका: आशावादी जुयाच्वंगु दु।

दकले लिपांगु च्यापुगु म्ये जनकवि दुर्गालाल श्रेष्ठ च्वयादीगु व दीपा महर्जनं हालादीगु 'काँडा तीखो छ उसको पनि आफ्नै दुख छ, अरुलाई दुख दिएर सुखी हुने संसारमा को छ?' बोलया म्येय् संसारय् सु छु ख:, वहे जुइगु स्व। थ:के दूगु गुण छु ख:, वहे गुणय् म्वायेगु स्व। व गुणं पिने वनेगु स्वलकि व छम्ह घृणित पात्र जुइ। उकिं मनु ख:सा मनु जुया म्वायेगु स्व धैगु भाव पिज्वयेकात:गु दु। म्येहालामि दीपां अतिकं कारुणिक सलं थुगु म्ये हालादीगु दु। थुगु म्ये न्यनीपिन्सं छभा: थुगु म्येया लकसय् अवश्यं थ:त तंकेगु याहे याइ। थुगु म्येय् नं संगीतकार गुज्जे मालाकारं म्येव:लिसे अतिकं भेलेपुक्क संगीत तयादीगु दु।

समग्रलय् धायेगु ख:सा, थुगु खस भाषाया मचा म्येचा: 'म्याउँकी म्याउँ'या च्यापू म्ये अतिकं न्ह्याइपुक्क दयेकात:गु दु। छम्ह नेवा: संगीतकारं नं खस भाषाया मचा म्येत उच्चस्तरीय जुइक लसय् हनेफु धैगु दसू न्ह्यव्वयेत संगीतकार गुज्जे मालाकार ता:ला:गु दु। थ्व छगू गुज्जे मालाकारं खस संगीत ख्य:यात ब्यूगु हाथ्या नं ख:। किपूया छम्ह संघर्षशील संगीतकार गुज्जे मालाकारया दिनचर्या धाये बाय् जिविकोपार्जन धाये, थ्वहे संगीत ख:। थौंकन्हय् संगीतकार गुज्जे मालाकार किपूया मंगल उच्च मा.वि. व राराहिल मेमोरियल स्कूलया छम्ह संगीत शिक्षक जुयाच्वनादीगु दु। वय्कलं थ:गु याक: लसय् पिदंगु म्येचा: बाहेक मेमेगु म्येचा: दुने नं आपालं आपा: हे संगीत तयादीगु दु। वय्क:या सांगितिक पला:यात भीसँ कदर यासें संगीत ख्य:यात निरन्तरता बियाच्वने फयेमा: धका: मन्तुने।

किपूया गथु प्याखं (गं मखा:गु प्याखं)

सफू बजारय् पिदने धुंकूगु दु थ:गु प्रति सुरक्षित यानादिसँ

सफू दइगु थाय्

- खपया च्याम्हसिंहया स्टेशनरी पस: (श्याम सुन्दरया पस:)
- खप कमल विनायकया स्टेशनरी पस:
- किपूया सत:क्वया स्टेशनरी पस:
- किपूया देय् पुगूया बाघभैरव स्टेशनरी पस:
- किपूया पांगा दोवाटोया किपू बूक प्वाइट

६) यँया भोताहिंति नातिवज्रया पस:

७) यँया कुलाभुलिइ च्वंगु मंका: धुकू पस:

८) यल, यल ध्वाखा अर्जुन स्टेशनरी पस:

९) कीर्तिपुर सन्देश वा:पौ व ज्वज्वलपा वा:पौया ज्याकू निखासि किपू, फोन नं. फोन नं.: ४३३३००७, ९८४९४०९०७७

९) स्वापू नितिं मेमेगु फोन नम्बर: ४३३४०९३, ९८४९७५२५८३, ९८४६०४६९२३९

मू

सच्छि तका जक (१०० / -)

साहित्य/चिनाखँ

विचरा मचा

नाति महर्जन

द्यचपा, पाँगा

देसय् सुं मदु थः धाइपिं जित
बाय छकु हे मदु वर्ष चिकुलाँ सुलेत
दया माया याइपिं सुँ मदु थन
छम्ह हे मदु थःधाइपिं ग्वाहालि फोनेत
न थाय दु
न बाय दु
न्ह्याबले लँ विचे देनेगु
बोरा भ्वाथलं हिना चोनेगु
न लासा दु
न फाँगा दु
वचुसें चोंगु सर्गतया गाँ फाय दय्वं गा
वासिगु पाउरोटी छकुलिं हे प्वाजा
सुनानं थः मधाः जित
मां बौ नं बाँछोया तम्ह जि विचरा मचा
सुनानं थः नाला मका जित
न थ दु
न सो दु
स्वैगु हे आशा मदु
सुं हे पासा मदु
न नेगु दु
न तोनेगु दु
छतका नितका जक दाँ बीपिं दःसां गा
मुस्या छतका या नया प्वा जायक ल तोने दय्वं गा
माँ न ले वाँ छोया तम्ह विचरा मचायात
सुना माया याइ लँ विचे फोना नैपिन्त

न्हिच्छि न्हिच्छि खोया जूसां
खोयमते धाइपिं मदु जित
न छछा नकिपिं दु
न छघुटु त्वकिपिं दु
न्हिच्छि फोनाचोंसां बाग प्वा मजा
खालि विचरा मचा धया वनीगु
जिगु दयनिय अवस्था जक सोया वनिगु
चिकुला तापला छुं मपाः जित
चिकु तानो धैगु नं मदु जित
मचानिसें लँ देनेगु बान्हि
लँ व छँ छुं मपा जित
तानो नं मचा
चिकु नं मचा
न वा वल धका ग्या
न फय्वल धका ग्या
प्रकृति ला पासा जुइधुंकल जिगु
बान्हि हे जुइ धुंकल प्रकृति प्रकोप सहाय्यगु
मांया मुले चोने मखँम्ह विचरा मचा जि
बा नं हा माक याके मनम्ह विचरा मचा जि
जन्म जुसेनिसें दुरु तोने मखँ
खोबि तोना तधिकजुम्ह विचरा मजा जि
जि विचरा मचा
पापया ग्वारा
प्याथाय्सां
गँथाय्सां
चिकुथाय्सां
लुमुथाय्सां
थो नेपा धैगु स्वर्गे चोने दय्वं गा
नय मखंसां यामुक नेपामांया मुले सिना वने दय्वं गा

ईसास खपया भिन्याकःगु दँमुज्या सिधल



अगिव बनेपाली खप

जनवादी साहित्य व कलां मनूयात नैतिकवान् याइ धइगु मू आजु ज्वनाः खपया ईन्द्रेणी साँस्कृतिक समाज थुगु दँय् भिन्याकःगु नेपालभाषा साहित्य व साँस्कृतिक ज्याभवः नेपाल सरकारया गृहमन्त्री शक्तिबहादुर बस्नेतया मू पाहाँलय् पूर्वंगु दु ।

नेपालं इतिहासयात साक्षी तयाः हजारौ सहिदया आत्मोसर्गं सकल नेपाःमिं गणतन्त्र, समावेशी, धर्मनिरपेक्षता व संघीयता कायेत सफल जूगु दु अर्भं छुं मागत पू वंगु मदुनि उकियात संघर्ष यायां न्ह्यःने वनेमानि, थुगु ज्याय् ईसासं साहित्यिक व साँस्कृतिक रुपं गांगामय् नापं यंके फयेमा व आन्दोलनरत संघर्षरत शक्ति नं राष्ट्र निर्माण यायेत वार्ताय वयेत इनाप यानादिसें नेपालसंवत १९३६ या उपलक्ष्य सकल नेपाःमियात भिन्तुना देछानादिल ।

साहित्य व कलाय् थःगु जीवन बियादीपिं महेश्वर कार्जी, सीताराम होरा व हरिभक्त सुवालजुपित ईसासया मञ्चं गृहमन्त्री शक्तिबहादुर बस्नेतया ल्हातं दोसल्ला न्ययेका प्रमाणपत्र व मतिनाया चिं लःल्हानाः हंगु खः । उगु ज्याभक्वःया उलेज्या बेपत्ता गंगाराम श्रेष्ठया मां ईन्द्र केशरी श्रेष्ठजुं पानसय् मत च्याकाः यानादीगु खः । उगु ज्याभवयात शशि श्रेष्ठ, भाष्कर प्रधानाङ्ग, उमा कपाली, तुल्सीभक्त सुवालं सम्बोधन यानादीगु खः ।

ज्याभवलय् लसकुस न्वचू सुनिल वासुं, सुभाय् न्वचू सत्यलाल मूलं, ज्याभव न्ह्याकेगु अगिव बनेपालीजु यानादीगु उगु ज्याभव तुल्सीनारायण व्याञ्जुया नायःसुइ क्वचागु खः । बेपत्ता गंगाराम श्रेष्ठया मां ईन्द्रकेशरी श्रेष्ठं ज्याभक्वः उलेज्या यानादीगु खः ।

व्यवहारिक जीवन न्ह्याकेत मदयेकं मगाःगु शिक्षा

नासः (न्वचू उद्घोष व एफ एम संचालन कला)

अप्रत्येक्ष उद्घोषण

रोचक खँ ज्याभक्वःयात आकर्षक यायेगु नितिं उद्घोषकं इलय् ब्यलय् ज्याभक्वःयात ल्वःगु कथंया रोचक खँ न्ह्यथने मालेफु ।

उकिं रोचक खँ नं न्हापा हे तयार याना वनेमाः । अले गुलिं गुलिं ज्याभक्वलय् चुल्कीला धाल धाःसा बांलाइगु अले उखान धाल धाःसा बांलाइगु खःसा उगु हे कथं ज्याभक्वः न्ह्याकेमाः ।

ग्वसाःखलःया खँ

उद्घोषक धाइम्ह ग्वसाःखलःयाम्ह हे नं जुइफु अले ग्वसाःखलकं पिनेयाम्ह नं जुइफु । ग्वसाःखलकं गुगु

योजना कथं ज्याभक्वः यायेत्यंगु खः अले ग्वसाःखलकं न्हापा लिपा अज्वःगु ज्याभक्वः याये धुंकूगु जूसा उकिया बारे नं उद्घोषकं सिइकेमाः ।

दबुलिइ भुमिका उद्घोषण याइम्हेसित फुक्क दर्शकतय्सं मदिकक स्वयाचवनी धकाः थुइकेमाः । उद्घोषकं चीधंगु जक गल्ती यात धाःसां व तःधंगु गल्तीया रुपय् मनूतय्सं कायेफु ।

उकिं सचेत जुइ हे माः । अले उद्घोषक दबुलिइ उखे थुखे जुइगु नापं दबुलिइ च्वनार्चपिलिसे खँल्हाः जुइगु नं स्वकुमिपिन्सं स्वयाचवंगु दइ धकाः थुइकेमाः । उलि जक मखु मदिकक उद्घोषक खने दयेक

दबुलिइ च्वना च्वनेगु नं स्वकुमिपिन्सं ययेकी मखु धकाः नं थुइकेमाः । उकिं दबुलिइ न्ह्यलाथे मजूसे मनूतय्सं स्वीकार याये फइगु कथं जक उखे थुखे जुइमाः ।

उद्घोषक वक्ता मखु


औपचारिक ज्याभक्वः न्ह्याकामि अर्थात उद्घोषण याइम्ह मनू धइगु वक्ता मखु धकाः थुइकेमाः । थःगु विचाः अर्थात मत तइम्ह मखु उद्घोषक । उद्घोषक धाइम्ह छम्ह माध्यम जक खः । दर्शक अर्थात स्वकुमि अले दबुलिइ दुपिं वक्तातयगु दथुइ पुल अर्थात तांया भुमिका म्हितीम्ह खः । वक्तातय्त दर्शकया न्ह्यःने खँ तयेके विइम्ह नापं दर्शकया

भावना यात वक्तायात थुइका विइम्ह छम्ह माध्यम जक खः धकाः थुइकेमाः । अले वक्ताया मत अर्थात विचाःया कया सहमति वा असहमति प्वंकेगु ज्या गबलें नं उद्घोषकं याये मजिउ धकाः थुइकेमाः ।

वक्तातय्त विभेद याये मजिउ

ज्याभक्वलय् सहभागी जुयादीपिं सकल वक्तात धइगु थःगु नितिं सकलें समान खः धकाः तायेकेमाः ।

वक्तात ब्यागलं ब्यगलं कथंया दर्शनपाखें प्रभावित नापं ब्यागलं ब्यागलं कथंया विचाः कुबियाच्वपिं जक मखु थःथःगु कथंया स्वार्थ दुपिं नं जुइ ।



श्रीकृष्ण महर्जन

इमिगु ब्यागलं ब्यागलं कथंया विचाःत वइगु नं स्वाभाविक हे खः । उगु इलय् छम्ह वक्ताया मत अर्थात विचाःयात समर्थत यात धाःसा व हे विचारयाम्ह धकाः मनूतय्सं थुइकेफु । छम्हेसित च्वछायेगु ज्या जुल धाःसा मेम्हेसित अपमान याःगु तायेकेफु । अज्वःगु इलय् वक्तातय्सं थःपिन्त उद्घोषकं विभेदयात धकाः थुइकेफु । उकिं उद्घोषकं वक्तातय्त गबलें नं विभेद याये मजिउ । अले सकलसित समान कथंया व्यवहार यायेगु नाप नं इमिगु मर्यादायात नं ध्यान तयेगु यायेमाः ।

जुक्ति छ्यले सयेकेमाः

जुक्ति अर्थात आइडिया उद्घोषकया नितिं मदयेकं मगाःगु पक्ष खः । जव समस्या अर्थात विचाः यानागुसिवें फरक अवस्था वइ अबले जुक्तिया अर्थात आइडियाया आवश्यकता जुइ । ज्याभक्वः जुयाच्वंगु अवस्थाय् वइगु छुं नं कथंया समस्यात तत्काल समाधान यायेगु ज्या मेमेपिं वक्ता व सुं वया याइमखु अबले स्वयं उद्घोषकया हे भूमिका जुइ धकाः थुइकेमाः । अज्वःगु इलय् जुक्तिया आवश्यकता जुइ । कथंहे.....

प्रचण्ड वःगु लँपुइ पांगा देवाटोय् जूगु प्रदर्शनय् किपूमित स्वत स्फूर्त रुपं सहभागी.....किपा: विशेष



जनसेवा उच्च मा.वि.मा सामाजिक लेखा परिक्षण



किपू नगर दुनेया दकलय् पुलांगु व व्यवस्थित विद्यालय खः पांगा इचाखेलय् च्वंगु जनसेवा उच्च मा.वि. खः । जिल्ला शिक्षा कार्यालयया नीति नियमकथं बांलाक संचालन जुयाच्वंगु स्कूल जनसेवा ज.शि.अ.या नियमावली कथं यायेमाःगु विद्यालयया वार्षिक सामाजिक लेखा परिक्षण वंगु मंसिर १ गते जनसेवा मल्टिपरपोज हलय् जुल । पीटीएया अध्यक्ष व विद्यालय सामाजिक परीक्षणया संयोजक चन्द्र बानियाँया सभानायोसुइ जूगु उगु ज्याभवलय् विद्यालय व्यवस्थापन समितिया कार्यवाहक अध्यक्ष प्रा.डा.रामकृष्ण महर्जन विद्यालयया ऐतिहासिक पृष्ठभूमिया बारे ध्वाथुइका दिल । अथेहे प्राचार्य नन्दकुमारी महर्जनं स्कूलया भौतिक संरचना व शैक्षिक अवस्था व गतिविधिबारे कनादिल । नापं विद्यालयया विकास योजना व आर्थिक आयव्यय न्ह्यव्वया दिल । वयकलं न्ह्यव्वयादीगु आर्थिक आय १ करोड ५७ लाख व व्यय १ करोड ३५ लाख दुगु नं जानकारी बियादिल ।

उगु सभाय् विद्यालय व्यवस्थापन समितिया दुजः ई.दुर्कमान महर्जन, शिक्षक राजेन महर्जन, रामचन्द्र महर्जन, ज्वजलपा मिसा पुचःया नायो मेनुका महर्जन व पवित्र महिला समुहया चन्द्रमाया महर्जन नं थःथःगु नुगः खँ तयेगु नापं सुभाब नं बियादीगु खः । वयकःपिन्सं थुलिमाछि भौतिक साधन सम्पन्न विद्यालय जुया नं थौतक एस.एल.सी परीक्षाय शत प्रतिशत विद्यार्थी पास याये मफुगुया कारण छु खः धइगु न्ह्यसःतसें विद्यालययात अंग्रेजी माध्यमं ब्वंकेत सुभाब नं बियादिल । न्यागु तगितक अंग्रेजी माध्यमं ब्वंकाःचवनागु जानकारी बियादिसें प्राचार्य नन्दकुमारी महर्जनं ७३ जिल्लाया विद्यार्थीत ब्वनाच्वंगु व टेस्ट परीक्षाय रोकय यायेगु मयानागुलिं शत प्रतिशत पास याये मफुसां रिजल्ट बांलाः हे धायेमाः । आः स्थानीय विद्यार्थीया संख्या नं अप्वया वनाच्वंगु कनादिसें जनाधार सामुदायिक क्याम्पसय् बीबीएस तगिलय् ब्वंकेगु यानागु स्वदं दत । आः बीबीएस प्रथम वर्षय् भर्ना चाःगु दु । स्तरीय शिक्षाया लागि थःमस्त व जःला खलाया मस्तय्त भर्ना याकेगु लागि कुतः यानादीत नं प्राचार्य नन्दकुमारी महर्जनं इनाप यानादिल ।

बिचाः हायेका

जन्मः
१९८२ ल्हुति पुन्हि
सोमवाः



मदुगुः २०७२
कार्तिक २३ गते
त्रयोदशी सोमवाः

मदुम्ह पूर्णलाल महर्जन (भेला)

थुगु संस्थाया जःपिं रत्नबहादुर महर्जन व गोपालबहादुर महर्जनया अबु पूर्णलाल महर्जन (भेला) ९१ दँय् आकाभाकां मदुगुलिं मदुम्हेसित सुखावती भुवनय् वास लायेमा धकाः मनंतुसें दुःखं कःपिं छेंजःपिन्त नुगः ची फयेमा धकाः बिचाः हायेकाचवना ।

नयाँबजार बचत तथा ऋण सहकारी संस्था लि.

नयाँबजार क्लब

नयाँबजार, कीर्तिपुर



कीर्तिपुर नगरपालिका कार्यालयको सूचना

तपाईंले कीर्तिपुर नगरपालिकालाई तिर्नु, बुझाउनु पर्ने कर, दस्तुर, शुल्क तोकिएको समय भित्र बुझाउनु हुन अनुरोध छ । तोकिएको समयमा उल्लेखित कर दस्तुर नबुझाएमा नगरपालिकाबाट प्रदान गरिने सेवा सुविधाहरु रोक्का गरिने हुँदा समयमै कर दस्तुर, शुल्क बुझाई सभ्य नागरिकको परिचय दिनुका साथै नगरको विकासमा सहयोग गरी दिनु हुन सबै नगरबासीमा अनुरोध छ । साथै यहाँहरुको घर दैलो, व्यावसाय स्थलमा कार्यालयबाट खटाईएका कर टोलीलाई आवश्यक कागजात सहित कर, राजश्व भुक्तानी गरी सहयोग गरी दिनु हुन समेत अनुरोध छ ।

पुनश्च :

नगरपालिकाबाट उपलब्ध गराईने सेवा, सुविधा तथा त्यसका लागि आवश्यक निवेदनको ढाँचा नगरपालिका कार्यालयबाट निशुल्क प्राप्त गर्न सकिनेछ भने वेभ साईटबाट डाउनलोड पनि गर्न सकिनेछ ।

फोन नं. ०१-४३३१११०, ०१-४३३१८०५, ०१-४३३१६९३

ईमेल: ict_munkirtipur@gmail.com वेबसाईट : www.kirtipurmun.gov.np